

MY BIBLE FIRST

PRIMARY YEAR A
Q 4 #45

Hannah' Thu- ngetna Kidawng

SUNDAY

1 Bangbang piang taleh a nuntak sungtengin naupangte in Jesu it ding, muan ding, leh a thu man ding a teel thei uh diam? Teel thei lua hi. Lai Siangtho in tua bang deihteelna a bawl naupangno khat i thu honghilh hi. Ama min in Samuel ahi hi.

Samuel pa min in Elkanah hi. Amah pen hau in, mi thupi khat hi a, Levi minam zong ahi hi. Levi minamte pen Pasion ading nasemte hi uh a, biakbuk kemte ahi uh hi. Siampi lianpa leh biakinn amah ahuhate pen Levi mite ahi uh hi.

Elkanah leh a innkuanpihte Ramah ah teeng uh hi. A tenna uh pen biakbuk sauveipi omna mun ahi Shiloh panin tai sawm-le-nih bang a gamla hi.

Samuel' nu pen Hannah kici a, amah pen nupi it-huai mahmah, a lungsim khempeuh tawh Pasion a it khat ahi hi.

Kumsim in Elkanah in a innkuanpihte Shiloh ah ni tampi taam-in ki-khoppih hi. A pai sim-un biakpiak nading ganhing keng den uh hi. Meihal biakpiakna a neih khit ciangun anne khawm uh a, hih hun in mi khempeuh adingin hun nuam khat ahi hi.

A lungdam ding



© sweetpublishing.com; License—<http://creativecommons.org/licenses/by-sa/3.0/>


KAMNGAH

Naupangte nangawn mi citak, mi hoih a hihna a gamtatna panun kimu khia thei hi. Paunak 20:11

Even a child is known by his deeds, by whether what he does is pure and right. Proverbs 20:11

tangin Hannah dah mahmah hi. Kum khat khit kum khat Elkana in a innkuanpihte paipih den hi. Hannah zong kum khat khit kumkhat dah den mai hi. Hi bangin a pai sim-un amah pen dah den ahih manin an nangawn hong ne zolo hi. **1 Samuel 1:7.**

Khat vei, an nek khit ciangin, amah bek in biakbuk ah va pai a, lungsim kitam ding zah dongin hong kapkhia hi. **Aneu 9, 10.** Banghang hiam? Bang khialhna om hiam? Zingciangin ahang i zongkhia ding hi.

 **NGAIHSUN-IN:** Na khat peuhpeuh deihlua in na kap ngei hiam? Naupangnote a thupi hetlo khat zong deihin kap thei uh hi. Ahih hangin Hannah in deihlua in a kahpih pen a thupi mahmah khat hi a, Pasion bekin tua pen pia thei hi.

MONDAY

2 Banghangin Hannah kap cih na thei hiam? Amah in a pasal Elkanah tawh ta a neih loh man hi. Elkanah a sih khit ciangin a neihsa uh logam leh sumte a kem dingin tapa khat dei mahmah uh hi.

Elkanah in Pasion it in bia a, a zi Hannah zong a it mahmah hi. Ahih hangin amaute in ta a neihloh uh ciangin Pasion piak ding a muan sangin amah in zidang hong nei hi. A zi neihkik min Peninnah ahi hi. Tua a kipan a innkuan sungah hazatna hong kipan hi.

Peninnah in ta hong neih ciangin Pasion in Hannah sangin amah a thupisak zaw danin ki-ngaihsun hi.

Ahi zongin alawm pa Elkanah in a zipi Hannah itzaw cih a theih manin haza a, Hannah tungah heh-in a lungsim nat theihtheih dingin bawl hi.


Elkanah-te innkuan kumsim in koi ah paipih den cih naphawk lai hiam? Tua tak-ah bang vahih zel uh hiam? **1 Samuel 1:3.**

Biakpiakna a man khith ciangun Elkanah in Pasion kiangah a biakpiakna ante a innkuanpihte tungah khat khith khat amau tanh ciat hawm den hi. **Aneu 4, 5.**

Elkanah in Hannah pen a golzaw a piak ciangin Peninnah in nidang sangin hong haza zaw hi. Amah in Hannah bang danin bawl hiam? **Aneu 6, 7.**

Hannah pen dai dide in, lungduai hi; ahi zongin tutungin a pasal Elkanah in ahih theih zahin a hehnep hangin amah in hong thuak zo nonlo hi. **Aneu 8.**

Hannah in a pasal kiangah phun lo hi. Ahih hangin tua an a nek khith ciangin amah in bang hih a hiam? **Aneu 9.**

 **NGAIHSUN-IN:** *Innkuan sungah Pasion geelna banga zi khat cih sangin zi nih neihna hanga buaina na phawk theih a om hiam? Abraham innkuan sunga Sarah le Hagar eleh? Jacob innkuan sunga Rachel le Leah te zong eleh?*

TUESDAY

3 Hannah in an zong ne zo nonlo hi.

Annek a man khith uh ciangin, ama dahna teng Pasion kiangah ko dingin biakbuk ah pai hi. Biakbuk lutna gei ah hong khukdin in kapkawmsa in bangteng Pasion kiangah gen hiam?

1 Sameul 1:9-11.

Siampi lianpen Eli in Hannah a muh theihna kongkhak gei-ah a tu hi. Amah in Hannah thunget bangin a ngen mi mu ngeilo hi. Mi a tamzaw-te pen zahtak baang nonlo uh hi. Khat veivei ciangin numeite nangawn zu khamsha khawngin biakbuk ah pai uh hi. Siampi Eli in Hannah hong etet ciangin amah in lengzazu kham hiding hi, ci-in ngaihsun hi. **Aneu 12-14.**


Hannah a lunggim mahmah hi. Amah in thakhat-in Eli kiangah hong theikhial hiteh, ci hi. **Aneu 15,16.**

Eli zong Hannah tunga a pau khialh manin khial kisa mahmah hi. Amah in mawh neilote a natsak nopna hang hilo hi. Hannah in Pasion kiangah bang thu ngen cih a gen loh hangin Eli in amah pen Pasion a it taktak nupi hoih khat a hihna theitheih hi. Siampi Eli in bang gen hiam? **Aneu 17.**

Thakhat thu in Hannah i lungsim gimna-teng hong

veng hi. Amah in a giahna buk ah manlang takin ciah a, Pasion in a thungetna za hi, cih theih hi. Tu in ahih leh a gil zong hong kial mahmah ta hi. **Aneu 18.**

A zingciangin a innkuanpih-teng tawh Ramah ah ciah uh hi. Hannah a lungdam ahih manin Elkanah zong a lungdam ding hi, cih i theitheih hi. Peninnah leh a tate in banghang-in hizah tak-a Hannah omdan hong kikheel hiam cih lamdangsa mahmah ding uh hi.

 **NGAIHSUN-IN:** *Hannah in Peninnah i bawldante hangin a heb hiam? Amah in a baksatna (hehna) kua kiangah ko hiam? Eite in zong i lungkimlohna (baksatna)te Pasion kiangah ko theih hihang.*

WEDNESDAY

4 Pasion in Hannah thunget na za ahih manin, ama thunget ahi tapa khat na pia hi. **1 Samuel 1:20.**

Hannah i kiciamna a bawl na phawk lai hiam? Pasion in tapa a piak aleh bangcih ding cih a kiciam hiam? **Aneu 11** simkik in.

Samuel pen Nazarite kici Pasion kiangah ki ap ding hi. A deihsa in amah pen Pasion a dingin a tuamdiak-a kipia ding hi. Samson zong tuabang mahin Pasion kiang ah a kipia khat hi a, ahi zongin in amah in tamveipi Pasion dahsak hi. Tu in ahih leh Samuel in bangdan khentatna hong bawl diam?

Samuel a pau theihma a kipan Hannah in Pasion it in a thu aman nading limtak in hilh hi.

Hannah in ama hih theihna khemp-euh zangin Samuel in Pasion' Thupiak

Sawmte a tel nadingin hilh hi. Amah in Pasion bawlsa na hoih nono lak in, bangci bangin thungen ding cihleh Pasion in hong kepna hangin lungdamko ding cihte hilh hi.

A hong tei deuh ciangin Hannah in mite huhdan ding sinsak hi. Nintop dan, kimawlnate siansak dan cihte leh a nu van tawisak cih khawng hikha ding hi.


Hannah in "Ut lo (No)" cih a deihsa hilh a, thu a man tawntung nangin huh hi. Mihingte pen thu kimang leng ki-lungdam zaw, cih hong theikhiapah hi.

Isreal gam-ah a kisas mahmah na lianpi a sem




© Darrel Tank

dingin Hannah in Samuel a hihlha ah Kha Siangtho in Hannah nahuh hi. Mi a tamzaw-te in Pasian Thupiak Sawmte te zuih ding kin nonlo uh ahih manin Pasian in amaute a thupha piak ding zahin pia theilo hi.

 **NGAIHSUN-IN:** *Ui thumang mahmah na mu ngei uh hiam? Naupangte a tut theih ma nangawn in tua uipil sangin thu telthei zaw ta uh hilo hiam? Apil nu le pate in Hannah danin hihl uh hi. Amaute in a tate uh a ngeklai panin thubilh ta uh hi.*


THURSDAY

 Samuel a suah zawh a sawt lua loin amaute Shiloh ah a paikik hun hong hita hi. Ahih hangin tutungin Hannah in banghah dingin khentat hiam? **1 Samuel 1:21-23.**


Elkana ahi a, Hannah ahi zongin Hannah thuciamna mangngilh hetlo uh hi. Anih un Pasian in tapa Samuel amau tungah pia hi, cih thei uh hi. Hannah in kidawm takin amah pattah hi. Ahangin amaute in Pasian kiangah piakik ding uh ahih man ahi hi. Amaute in Shiloh ah paipih dinga, Samuel pen Eli Siampi lianpen tawh omkhawm ding hi.

Samuel in amah le amah an hong nek theih ciangin, a nu Hannah in a kamciam sep hun hita hi cih hong thei hi. Samuel pen Eli kiangah omin amah in biakbuk ah nasep dan ding sinsak ding hi, cih a nu in thei hi. A nu in puantual neukhat siampi puan tawh a kibang ama ading a hoih bek khuisak hi. Amah in tua puanding a khuisak kawmin Pasian in a manpha mahmah ama tano dalin a kepsak nading thungen kawm hi.

Hannah in Eli' inn hong phawk kha ding hi. Isreal gam a om mite in Eli pen itna nei-in thei uh hi. Ahi zongin amah in a tate Pasian' thukham zuih ding hihl lo a, amaute sia lua uh hi. Tua a tate, Hophni le Phinehas in Samuel zong a thumanglo dingin a zol kha uh diam? Samuel neulai lua ahih manin a nu' thuhilh te a phawk thei diam? Deihteelna hoih hong nei diam? Tua adingin Hannah in bangzah-in thu a ngetsak tam maw.

 **NGAIHSUN-IN:** *Hannah in a kamciam a picinsak nangin muanna a kisam diam? Samuel keukeu in amah pen Pasian tunga kipia a manpha mahmah letsong ahih lam a telthei nai diam? Nang zong na nu le pate in tua dingin hong deih hi, cih na thei hiam?*

FRIDAY

 Elkanah le Hannah in Shiloh ah Samuel a paipih ding hun hong tungta hi. **1 Samuel 1: 24, 25.**

Hannah zong biakbuk ah hong pailoh sawt pianta ahih manin Eli in amah thei nonlo dingin um hi. Amah in Eli tungah bang gen hiam? **Aneu 26-28.**


Eli in tua banga Hannah i angsum khual lohna



uphak sa hi. Amah nangawn zong pa pil khat hilo hi. A tate pantah lo hi. Tu in Eli in Hannah i thungetna hong ngai a, **(1 Samuel 2:1-10)** amah in ki-niamkhiat leh zahtak-kaisa hi. Eli in tate banga a pattah khialh loh nangin a hihtheih zahin a manpha mahmah naupangno Samuel tungah hong hanciam hi.

A sawt loin mangpha khak hun hong tungta hi. Samuel tawm kap kha ding hi. Ahi zong anu in biakbuk a Eli' nasepte lawptak a huh ding a hihlsa hi a, patauh huai lo hi. Eli in zong Samuel it mahmah ta hi.

Hannah zong a khitui luang kha ding hi. Ahi zongin a lungdam hi. Pasian tunga a kamciam tangtungsak zo hi. Amah in Pasian tungah a piak letsong (Samuel) pen Pasian in kepsak ding hi, cih muang ngiat hi. Samuel leh a nu le pate kikawi in kinam kha ding hi. Tua khit ciangin mangpha kikhak uh hi. **1 Samuel 2:11.**

 **NGAIHSUN-IN:** *Samuel pen kum 3-4 kikal hi kha ding hi. Naupang lai mahmah hilo hiam? Ahizong naungekte nangawn amau tumin beh thei in awng thei hilo hiam? Hannah in Samuel a suah a kipan a pattahna ah Pasian in nahuh hi. Samuel in lawptak-a thu a man ciangin amah a lungnuam zaw cih na sin khin hi. Thumanna in midangte zong lungdamsak hi. A lungdam penpen in Pasian hi, cih zong na thei kha hiam?*

FURTHER STUDY: 1 Samuel 1; 2:1-11, 18-21; *Patriarchs and Prophets*, pp. 569-574; *The Bible Story*, vol. 3, pp. 145-148.



THE STORY CORNER

A Ki-em Lai Siangtho

Adapted by Amy Sherrard

Nidang lai pek-in gamlapi-a gam khat ah, ukpi khat in Lai Siangtho a neite ahi-hkeh a simte gimthuaksak ding cih thukhun bawl hi. Tua gam-a pawlpite in Lai Siangtho a telzo pen siampite bek om hi, ci-in um uh a, mi mawkmawkte in Lai Siangtho sim huai lo hi, cih ngaihsun uh hi. Mite in Thupiak Sawmte thei in, Jesu it a, a thu aman khak ding uh Satan in deih hetlo hi.


Mi tampite in ukpa thukhun bawl a dikloh lam thei in Lai Siangtho bute kem uh hi. Tua ciangin galkapte sawlin inn tengah Lai Siangtho zong uh a, amuh uh leh laksak uh hi. Tua hi a, mite in galkapte a khua lam vuah pai hi cih a theih uh ciangin a Lai Siangtho bute uh galkap te muhloh na mun ah manlang takin seel uh hi. Numeino pasalnate in galkapte hong pai hiam cih vil gige uh a, khua sung mite hilh-khol-in, a Lai Siangtho bute seelsak uh hi.

Ni khat, numeino khat bek a inn ah a om laitak-in a lawmte khat in kongkhak hong hong a, “Galkapte hong pai hi, na Lai Siangtho seel in” ci khiankhian hi.

Numeino in moh a mekmek laitak hi. Galkapte’n hong neh ta ahih manin Lai Siangtho seel nading hun om nawnlo cih thei hi. Thakhat-in thungen a, ahih zia ding ngaihsun hi. Manlang takin a mohmek hong zal a, a laizang ah Lai Siangtho bu koih in, amoh tawh tuam hi. Tua khit ciangin manlang takin moh emna kuang sungah koihin moh emna meithuk tungah va koih hi.

A sawt loin galkapte in a inn kongkhak hong dawkh uh a, “Ukpi min tawh kong honghon in,” ci-in awng uh hi.

Numeino in a inn sungah hoihtak lutsak in amau te in a innsung teng limtak-in zong ziahziah uh hi. Hai koihna tau leh aansuaite hong uh hi. Tutphah sabuai nuai teng en uh a, lukham leh delhpah nuai khawng



zongh zong uh hi. Amoh emna kong hongin a sung nangawn zong uh hi. Ahih hangin amaute in moh kibawlsa em ding a kikoih khat bek mu uh hi.

A tawpna ah, galkapte paikhia in inndang ah pai uh hi. Lai Siangtho pen bangmah cilo hi.

Kum tampi khit ciangin tua numeino i a tupa America ah pai in, tua Lai Siangtho bu pua hi. Amah in mite tua Lai Siangtho lakin bangci danin a pi in galkapte muh nading pan seel-sim thei hiam cih thu gen hi. Tua khit ciang-in amah in mite kiangah hibanga Lai Siangtho utnana ah tawi theihna gam-ah a ten khak uh a hamphatziate phawksak kik hi.

Palik-te na inn sungah hong lut in, na Lai Siangtho neih khem-peuh uh hong pia in hong cileh bang na cih diam? Tua numeino bangin na Lai Siangtho bute man nei takin na zang hiam? Jesu’ thu na manna hangin thong hong kikhia in, Lai Siangtho na zat ding hong kiphal kei leh, na LST kamngahte leh alamdag LST kamciamte bangzah naphawk lai ding hiam?



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.